

Երկուշաբթի (25 Մայիս) առաւօտուս ել տօնանման նաւից նոցա կանգնելով ի սահմանս Պէշիքտաշին :

Եչի (28 Մայիս). եւ ել վէզիրն երկիրպագանել թագաւորին եւ ասել բարով մնա, զի երթիցէ : Եւ ծառայք թագաւորին ամենեքեան զինեցան՝ թօփչի և ճէպէճի եւ էնկիչէրի ընդ յառաջ նմա երթալով, ալ և պարոնք և իշխանք, էմիրք և ուլամայք, դազիէսկէրք և մուֆտի՝ ալայ արարեալ երթային առաջի նորա հանգերձ սանճախոյն իւրեանց . և ինքն եկեալ անցանէր երթալով ի սահմանեալ տեղի բանակին, եւ զկնի նորա սպահիքն ամենայն ձիաւորեալ և զինուք, որք ընդ նմա երթալոց են ի պատերազմ : Եւ եդ աստ վէզիրն առ թագաւորն զայմասամ իւրն զՖիրէնկ Ահմէտ փաշան : Եւ զոր դրամս ժողովեալ էր ըռոճկաց ծառայիցն՝ անդ ի բանակն տանել ետ սայլիւ, և անդ ցրուէր զռոճիկ ծառայիցն, որ ասի օլօֆէ, և թագաւորն եւս անդ ի Տաւութ փաշան էր :

Եւ Շաբաթի օրս (30 Մայիս) ել տօնանմա նաւիցն եւ գնայր յառաջ ի վերայ Ֆոանկին ի պատերազմ : Աւուրքս փոխեցին զմուղթասիպն :

Կիրակի օր (31 Մայիս) զէտրէնու թուղթն գրեցի Բ :

Յուշիս ամիս օր Բչի : Եւ յաւուրս ի Տաճկացն յամենայն կողմանց յեկեղոցն յալլ երկրէ, ալլ եւ ի սահմանացս՝ գրէին զինքեանս զի երթիցեն զկնի նաւացն ի պատերազմի, որպէս զի ի ժամանակ պատերազմին նոքա լիցին յառաջ . եթէ զհակառակորդս իւրեանց պարտեցեն եւ մնացեն ամբողջ՝ ծառայ լիցին թագաւորին եւ ուտող ըռոճկաց նմին, եւ թէ պարտեալք լիցին՝ անցին ընդ այն, որ ասի ըստ բառին անուանց նոցա սէրտէն կէչտի, վասն որոյ եւ պատրաստեցան զի երթիցեն փոքր նաւովք եւ զայնխոյն Ուսկիւտարու՝ թէ որչափ տանիցի :